

Obavijest o Odluci visokog predstavnika da ukine zabranu izrečenu Himzi Đonki Odlukom visokog predstavnika od 6. juna 2009. godine

97/14

Svojom Odlukom od 6. juna 2009.godine ("Odluka iz 2009.godine"), visoki predstavnik je smijenio gospodina Himzu Đonku s položaja policijskog komesara Hercegovačko-neretvanskog kantona i zabranio mu pristup u prostorije njegovog bivšeg ureda. Navedenom Odlukom takođe je zabranjeno g. Đonki obavljanje bilo koje službene, izborne ili imenovane javne dužnosti kao i kandidiranje na izborima i obavljanje dužnosti u političkoj stranci ("zabrana"). Odlukom iz 2009. godine je dalje izričito utvrđena mogućnost ukidanja zabrane prema isključivom nahođenju visokog predstavnika.

Na osnovu razmatranja predmeta g. Đonka, odlučio sam da ovu zabranu ukinem. Gospodinu Himzi Đonki se odlukom visokog predstavnika više ne zabranjuje da obavlja bilo koju službenu, izbornu ili imenovanu javne dužnost kao i kandidiranje na izborima i obavljanje dužnosti u političkoj stranci. Radi izbjegavanja svake sumnje, svaka zabrana koja proizlazi iz Odluke iz 2009. godine ovim se putem ukida.

Ovakav ishod opravdavaju načela pravičnosti, pravilnog upravljanja i razboritog ispunjavanja međunarodnog mandata visokog predstavnika, kojima se uzima u obzir ravnoteža između zaštite državne stabilnosti i prava pojedinaca.

Ovom Odlukom ne dovodi se u pitanje validnost Odluke iz 2009. godine. Ovom Odlukom ne ovlašćuje se g. Đonko da se vrati na

dužnosti sa kojih je smijenjen na osnovu Odluke iz 2009. godine. Takođe, ovom Odlukom, njemu se ne daje pravo na odštetu po osnovu bilo koje naknade, drugih oblika neostvarenih novčanih beneficija ili privilegija odnosno statusa koje je izgubio kao rezultat Odluke iz 2009. godine.

Ova Odluka ne predstavlja amnestiranje nego prospektivno ukidanje Odluke iz 2009. godine. Odluka iz 2009. godine se ne briše i ostaje kao integralni dio zakonodavne evidencije Bosne i Hercegovine.

Ovom Odlukom se ne utiče na rješenje niti se njome na drugi način ne prejudicira rješenje u bilo kojem pravnom postupku koji se vodi ili će se voditi unutar ili izvan Bosne i Hercegovine.

Ukoliko su odredbe ove Odluke u suprotnosti s domaćim zakonodavstvom u vezi sa bilo kojim od predmeta koji su njom obuhvaćeni, ova Odluka će biti mjerodavna. Odluke visokog predstavnika imaju veću pravnu snagu i prednost u odnosu na domaće zakonodavstvo koje je s njima u suprotnosti. Ovom zakonodavnom izjavom deklarativno se obuhvaćaju postojeće i buduće odluke visokog predstavnika.

Ova Odluka stupa na snagu odmah i ne zahtijeva preuzimanje nikakvih dodatnih proceduralnih radnji.

Ova Odluka se objavljuje odmah u "Službenom glasniku Bosne i Hercegovine", "Službenim novinama Federacije Bosne i Hercegovine" i "Službenim/Narodnim novinama Hercegovačko-neretvanskog kantona".

Sarajevo, 19. avgusta 2014.

Dr. Valentin Inzko
Visoki predstavnik